



## Publicaziuns dalla vischnaunca, jamna 40

### Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

#### Nr. 2018 – 2088.000

Departement federal per defensiun, populaziun e sport (VBS), Maulbergstrasse 9, 3003 Bern; allontanar il material contaminau dil plaz da sittar dalla Confederaziun svizra sin parcella 1702 a Val Sogn Placi, 7180 Disentis/ Mustér.

Encunter quella decisiun san ins protestar a scret enteifer 20 dis dapi la publicaziun alla suprastonza communal. Disentis/ Mustér, ils 26 da settember 2018

*Uffeci da baghegiar Disentis/ Mustér*

---

### Aboliziun dil scamond da far fiug dils 20-8-2018

La reducziun dallas temperaturas e la rugada duront las notgs han sluccau il prighel da fiug. Ord quels motivs ha la suprastonza communal decidiu dad **abolir il scamond absolut da far fiug egl uaul ed ella vischinonza digl uaul**. Nus engraziein per la buna disciplina duront la liunga perioda da grond prighel da fiug. En cass d'incendis ei adina da telefonar alla numeru **118**.

*Suprastonza communal Disentis/ Mustér*

---

### Aufhebung des Feuerverbots vom 20.8.2018

Die Temperaturreduktion und der nächtliche Tau haben zu einer Entspannung der Waldbrandgefahr geführt. Aus diesen Gründen hat der Gemeindevorstand entschieden, **das absolute Feuerverbot im Wald und in Waldesnähe aufzuheben**. Im Umgang mit Feuer im Freien ist nach wie vor grosse Vorsicht angebracht. Raucherwaren und Feuerzeuge dürfen keinesfalls sorglos weggeworfen werden. Grillfeuer darf nur in bestehenden Feuerstellen entfacht werden. Im Brandfall ist unverzüglich die Feuerwehr über die Notfallnummer **118** zu alarmieren. Die aktuelle Waldbrandgefahrenkarte kann auf der Internetseite des Kantons Graubünden [www.waldbrandgefahr.gr.ch](http://www.waldbrandgefahr.gr.ch) aufgerufen werden.

*Gemeindevorstand Disentis/ Mustér*

---

### Vischinadi d'Acletta, 7180 Disentis/ Mustér

Radunonza generala dil vischinadi d'Acletta, **sonda, ils 13 d'october 2018**, 20.00 ell'ustria «Pazzola» a Cuoz

#### Tractandas:

1. Beinvegni
  2. Elecziun d'in dumbravuschs
  3. Prelecziun ed approbaziun dil protocol
  4. Rendaquen e rapport dils revisurs
  5. Rapport annual dil president
  6. Elecziuns vischinadi
  7. Propostas per in/a candidat/a per l'elecziun d'in/a gerau/a
  8. Program da lavur
  9. Varia
- Cordialmein envida

*La suprastonza*



---

## Radunonza generala dil Vischinadi Mompé-Medel

**Venderdis, ils 19-10-2018**, allas 20.15 en la Sgursalada a Mompé-Medel.  
Cordialmein envida

*la suprastonza*

---

## Parcadi sutterran a Sogn Gions

### Affittaziun

La vischnaunca posseda el center dil vitg, el sutterran dil Center da sanadad PUNTREIS, entgins parcadis. Quels san vegnir affittai naven d'immediat ni tenor cunvegientscha per frs. 120.–/meins. Interessents che givischan d'affittar in parcadi san bugen s'annunziar tier igl uffeci da baghegiar, caum postal 57, 7180 Disentis/Mustér ni per e-mail: [baghegiar@disentis.ch](mailto:baghegiar@disentis.ch).

*Suprastonza communal*

---

## Scaldaments mobils el liber

### Bulius da scaldar, radiaturs, radiaturs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. Per mintga aparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO<sup>2</sup>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO<sup>2</sup> e per apparats cun ina prestaziun da scaldar maximala da sur 28 kW sto vegnir cumpensau treis tonnas CO<sup>2</sup> e.a.v. Silmeins 20% dall'immissiun CO<sup>2</sup> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
  2. Per mintga tonna che sto vegnir cumpensada sto vegnir taccau ina vignetta vid igl aparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl aparat da scaldar mobil vegn mess en funcziun durant la perioda da scaldar respectiva.
  3. La cumpensaziun dall'immissiun da CO<sup>2</sup> succeda entras il possessur ni entras la vischnaunca.
  4. Sch'ils possessurs cumpenseschan sezs l'immissiun da CO<sup>2</sup>, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sup>2</sup> (p.ex. Myclimate). Per apparats da scaldar electrici sa l'obligaziun da cumpensar l'immissiun da CO<sup>2</sup> era vegnir ademplida, sch'ei vegn applicau – per mintga tonna CO<sup>2</sup> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
  5. Sch'ils possessurs cumpenseschan buca sezs l'immissiun da CO<sup>2</sup>, ston els cumprar tier la vischnaunca ina vignetta per mintga tonna CO<sup>2</sup> che sto vegnir cumpensada. Il prezi per vignetta importa frs. 60.–.
  6. Las vischnauncas impundan igl entir recav dalla vendita da vignettas per cumpensar l'immissiun da CO<sup>2</sup>. Igl uffeci d'energia e traffic metta a disposiziun in agid d'execuziun per las vischnauncas.
  7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG). Las vignettas san vegnir retratgas tier l'administraziun communal.
- Disentis/Mustér, ils 2 d'october 2018

*Administraziun communal*

---



## Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischnun!

Plinavon daventan ils donnos cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!

*Vos pumpiers Sursassiala*

---

## Rimnada da pupi

### Venderdis, ils 5-10-2018

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00).

Bien engraziament per Vies agid e sustegn!

*Scolas Mustér, Ch. Berger*

---

## Colonna d'agid Mustér

### Cuors da reiver per affons

Gia dapi biars onns organisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver, vegn organisau duront otg mesjamnas-sera in cuors da reiver per affons dallas annadas 2010 entochen 2006.

Liug: Halla da reiver el Center da sport e cultura, Mustér

Entschatta: **mesjamna, ils 31-10-2018 entochen miez december 2018.** Annadas 2010 entochen 2006, 17.30–19.00

Menaders: Commembers dalla Colonna d'agid Mustér cun brevet. Giuventetgna+sport

Annunzias: Entochen gliendisdis, ils 29-10-2018 alla Colonna d'agid Mustér, Otmar Venzin, tel. 079 381 25 52.

Segirada ei caussa da mintga participont/a.

*Colonna d'agid Mustér*

---

## Vischninadi Disla Cavardiras

### Invitaziun alla radunonza generala

**Venderdis, ils 12 d'october 2018** allas 20.15 ell'ustria «Fravia» a Disla. A stedia participaziun envida

*la suprastonza*

---



### Invitaziun Seniors-Ca

**Gievgia, ils 11 d'october 2018** allas 13.45 Sut Gliendas (davos la baselgia parochiala). «Nies nutriment: Tgei drova nies tgierp per restar activs e frestgs?» Referat da Cecilia Maissen-Desax. Meisa da miezdi organisada da Seniors-Ca e PUNTREIS. Entschatta: allas 12.15 en PUNTREIS. Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a PUNTREIS (tel. 081 929 56 56).

*Post d'informaziun Seniors-Ca*

---

### Uniun samaritana Mustér

Nies proxim exercezi meinsil ha liug:

**Gliendisdis, ils 8 d'october 2018**, allas 19.30 tier la scrinaria Flepp SA, via Pignola 6. Igl exercezi ei per part ordaviert, perquei sevestgi adequat e prendei cun ina cazzola da sac. Persunas che han interess e vulan inagada fuffergnar tier nus, ein cordialmein envidadas.  
A stedia participaziun envida

*Uniun samaritana Mustér, menadra tecnic*

---

### Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug **mardis, ils 23 d'october 2018** naven dallas 19.00 el «Hotel La Furca». Era novizs che vulan emprender da dar troccas ein cordialmein beinvegner. Cordialmein envidan

*Gion Michel Flepp, Marco e Romeo Schmed*

---